

中央黨校出版社  
傳統文化研究組

編

宋元  
明清

# 十三經注疏匯要

第四冊

顧廷龍題

中共中央黨校出版社

## 本冊目次

|                   |     |
|-------------------|-----|
| 周禮述注              | 〇〇一 |
| 儀禮經傳通解(上)朱熹卷一——卷九 | 五三七 |

〔清〕李光坡撰

周  
禮  
述  
注



欽定四庫全書

周禮述註卷一

安漢李光坡撰

周禮六篇其冬官一篇缺漢藝文志序列於禮象後

冬官之曰周禮周禮最後出蓋秦自孝公已下用商

君之禮其政酷烈與周官相反故始皇焚扶書特疾

惡欲絕滅之搜求焚燬之獨惡漢文帝嘗召至魏文

侯時老樂工因得春官大司樂之書景帝子河間獻

欽定四庫全書

四

周禮述註

二

王好古學得周官五篇失其冬官一篇乃鑄千金不

得取致工記以補其缺武帝求遺書得之藏於秘府

禮象諸儒皆莫之見哀帝時劉歆校理秘書始著於

錄畧散門入河南杜子春能通其讀鄭眾賈逵受業

於杜漢太馬融傳之鄭子玄立所註行於世宋程子

張子甚尊信之朱子謂此經周公所作但當時行之

恐未能盡後聖雖復損益可也至若雖為排軋毀訾

之言則愚陋無知之人耳以冬官之缺五篇頗為諧

儒所亂深疑其附離非實故仍舊本

天官冢宰第一

坡聞之兄曰天者君也官猶司也冢宰所司者

君之事故曰天官宰者調和膳羞之名冢大也

君德者萬化之本而飲食盡道者又君德之本

也豕牢掌王之飲食男女之事使皆有其節度

此體信之道其為宰也大矣君正而推以均四

海不適用水火金木必食必時合男女頒爵位

欽定四庫全書

四

周禮述註

三

必當年德而萬物自育天地自位是調和膳羞

其事至小而實大其義至近而實遠以此名官

非喻也深哉和孔子無間於禹之心即得周公

立冢宰之意

惟王建國

註曰建立也疏曰自此至以為民極五句六官之

首同此序者以其建國設官為民不異故也

辨方正位

坡謂辨方辨其山林川澤邱陵墳衍原隰之方也正位  
致日景求地中正王國之位也

### 體國經野

坡謂體猶分也體國分五百里至百里五等之國也  
經謂為之里數野都鄙之地也

### 設官分職

鄭司農曰置冢宰司徒宗伯司馬司寇司空各有所  
職而百事舉

### 欽定四庫全書

周禮注疏

### 以為民極

朱子曰極者標準之名王次點曰宅中建國四方  
輻湊至斯為極詩曰商邑翼翼四方之極是也設官  
分職治教禮政刑事無不畢舉何往非民之極書曰  
皇建其有極是也

### 乃立天官冢宰使帥其屬而掌邦治

鄭司農曰邦治謂總六官之職也

### 以佐王均邦國

註曰佐助也呂伯恭曰天之所以立君命相不過

欲均平天下之不平者爾今四海之內貴者貴賤者

賤士農工商鰥寡孤獨事事物物咸適其宜則均道

盡矣帥音率後同鰥音福

### 治官之屬

疏曰別言此句與下六十官為總目不唯指此一經  
而已

大宰卿一人小宰中大夫二人宰夫下大夫四人上士

八人中士十有六人旅下士三十有二人

註曰變冢言大進退異名也百官總焉則謂之冢列

職於三則稱冢冢大之上也山項曰冢旅眾也下士

治眾事者自大宰至旅下士轉相輔成皆王臣也王

之卿六命其大夫四命士以三命而下為差

府六人史十有二人

註曰府治藏史掌書者凡府史皆其官長所自辟除

陳君舉曰上之不可以為士下之不止於為農則

任以府史之職 疏曰府史大例皆府少而史多而府又在史上惟有御史百二十人特多而在府上以其掌贊書數多也有府有史者以其當職事繁故也有史無府者以其事少得史即足故也為人羽人等直有府無史以其文書少而有稅物須藏之也膳人食醫等府史俱無者以其專官行事史無所須故也惟有天府一官特多於史以其所藏物重故也

胥十有二人徒百有二十人

欽定四庫全書

卷一百一十五

五

註曰此民給徭役者若今衛士矣胥讀如諧謂其有才知為什長 疏曰有胥必有徒胥為什長故也膳人之類有徒無胥者得徒則足不假長帥也食醫之類胥徒並無者專官行事不假胥徒也禮記王制云下士視上農夫食九人祿足以代耕則府食八人史食七人胥食六人徒食五人祿其官並亞士故號庶人在官者也 大音泰後皆故此誦音胥

或問辨方正位體國之說異於註何也曰非敢臆

解據從大司徒成文也今試即是而推言之則見

王者立國先辨方土民物之宜相民宅知利害而

後正王國是其天下為家厚下安宅而不徒於一

人計安享之利矣次之以體國經野則建邦設都

以蕃王室以亂兆民指臂之勢成而中土永奠八

字之中庸大精密規模宏遠焉註說雖善然緣文

主義或偶未察於司徒之全文也 或問典命文

大夫無中下之別此序官則有中下大夫何也曰

欽定四庫全書

卷一百一十五

五

疏云四命大夫自分為中下似若侯伯同七命子

男同五命爵別有高下不同也曰註言士以三命

而下為差信乎曰信王之士命數不著於典命惟

大行人掌客職云士貶諸侯之卿禮參於典命所

謂公之卿三命子男之卿再命則註信矣

宮正上士二人中士四人下士八人府二人史四人胥

四人徒四十人

註曰正長也宮正主宮中官之長

○宮伯中士二人下士四人府一人史二人胥二人徒二十人

疏曰伯長也主宮中卿大夫士之適子庶子凡六官序官之濫其義有二一則以義類相從謂若宮正官伯同主宮中事膳夫庖人內外饗同主造食之類故連類序之二則凡次序六十官不以官之尊卑為先後皆以緩急為次第故此宮正之第士官為前內宰等大夫官為後也

欽定四庫全書

周禮注疏

卷一

膳夫上士二人中士四人下士八人府二人史四人胥十有二人徒百有二十人

註曰膳之言善也今時美物曰珍膳膳夫食官之長禮庫曰宮正宮伯之下即以食官系之緣此事甚繫利害非惟是養人主氣體專是正君之心防君之欲記曰飲食男女人之大欲存焉使下之所共必以之正人主雖欲少肆其欲亦不可得若無常制而共之者惟求以投其好則縱欲何極若周官所共各有

定濫又且一一關涉冢宰冢宰得人則食官皆正誰敢以四方珍味私投主欲古者格君心皆在此處○庖人中士四人下士八人府二人史四人賈八人胥四人徒四十人

註曰庖之言苞也裹肉曰苞苴賈主市買知物賈○內饗中士四人下士八人府二人史四人胥十人徒百人

欽定四庫全書

周禮注疏

卷一

註曰饗割亨煎和之稱疏曰掌王后世子及宗廟皆在內之事

○外饗中士四人下士八人府二人史四人胥十人徒百人

疏曰掌外祭祀及饗孤子耆老皆在外之事

○亨人下士四人府一人史二人胥五人徒五十人

註曰主為內外饗煮肉者賈音蝦亨普度反註同物賈之賈與價同

甸師下士二人府一人史二人胥三十人徒三百人

註曰郊外曰甸師猶長也甸師主共野物官之長

疏曰此官主地事不在地官者以其供野之薦又給

薪蒸以供亨飪故在此次亨人也徒三百人特多者

天子藉田千畝藉借此三百人耕耨故多也

○獸人中士四人下士八人府二人史四人胥四人徒

四十人

○廩人中士二人下士四人府二人史四人胥三十人

徒三百人

欽定四庫全書

周禮疏註

九

疏曰徒亦三百人者馬融云池塞苑囿取魚處多故也

○鼈人下士四人府二人史二人徒十有六人

○腊人下士四人府二人史二人徒二十人

疏曰註腊之言夕也或作久字久乃乾成義亦通

坡謂自甸師至此以備膳夫之食用六穀膳用六牲

珍用八物羞用百有二十品者也 獻音魚腊音昔

食音嗣

醫師上士二人下士四人府二人史二人徒二十人

註曰醫師衆醫之長 疏曰醫亦有齊和飲食之類

故設在飲食之間也

○食醫中士二人

註曰食有和齊藥之類 黃文叔曰秦醫和謂趙孟

曰國之大臣榮其寵祿全其大節有禍災興而無改

焉必受其咎今君至於淫以生疾主不能禦吾是以

云良臣將死也夫師之教訓傳之德義保其身體冢

宰之事也周冢宰必兼三公使其燥濕寒暑之不戒

欽定四庫全書

周禮疏註

十一

飲食起居之不節而疾生焉則何以為師保故食藥

之調造飲膳為詳而醫師奉王之事屬於冢宰豈可

苟而已哉

○疾醫中士八人

○瘍醫下士八人

註曰瘍創癰也

○獸醫下士四人

註曰獸牛馬之類 瘍音羊後同創音瘡

酒正中士四人下士八人府二人史八人胥八人徒八十人

註曰酒正酒官之長

○酒人奄十人女酒三十人奚三百人

奄精氣閑藏者不稱士則亦府史之類以奄為異也  
女酒女奴曉酒者古者從坐男女沒入縣官為奴其  
少才知者以為奚女酒三十人與奚為什長若胥徒  
也奚三百人以其造酒故多也

○漿人奄五人女漿十有五人奚百有五十人

欽定四庫全書

周禮疏

十二

○凌人下士二人府二人史二人胥八人徒八十人

註曰凌冰室也

○籩人奄一人女籩十人奚二十人

註曰竹曰籩

○醯人奄一人女醯二十人奚四十人

註曰醯豆實也不謂之豆此主醯豆不盡于醯也

疏曰天子豆百二十公四十侯伯三十二子男二十

四上大夫二十下大夫十六彼有腳臚臚載炙膾之

屬其數甚多是豆不盡盛醯而已

○醢人奄二人女醢二十人奚四十人

○鹽人奄二人女鹽二十人奚四十人

○冪人奄一人女冪十人奚二十人

註曰以巾覆物曰冪 坡謂自酒正至此又以備膳  
夫之飲用六清醬用百有二十甕者也 冪莫歷反  
脚音香臚音熏臚音鵠載音恣

宮人中士四人下士八人府二人史四人胥八人徒八

欽定四庫全書

周禮疏

十三

十人

薛平仲曰太宰為人君身心之防自宮正至宮伯自  
膳夫至膳人自酒正至冪人所以密通於王者夫皆  
王宮內人而猶未及于外也宮人掌六寢之脩而及  
于四方之舍事掌舍而下又皆為王之會同于國外  
者設焉則內外出入之際其為王躬之是保者始悉  
○掌舍下士四人府二人史四人徒四十人

註曰舍行所解止之處

○幕人下士一人府二人史二人徒四十人

註曰幕帷覆上者

○掌次下士四人府四人史二人徒八十人

註曰次自修正之處 鄭剛中曰舍者久留之辭次者暫止之義 幕武博反

大府下大夫二人上士四人下士八人府四人史八人

賈十有六人胥八人徒八十人

註曰大府為王治藏之長若今司農矣 疏曰洪範

欽定四庫全書

周禮述註

十三

云一曰食二曰貨已上皆言飲食此次言貨賄故大

府在此也有賈者府官須有市買并須知物貨善惡故也 禮庫曰自大府至外府掌守財賦

○王府上士二人中士四人府二人史二人工八人賈八人胥四人徒四十有八人

註曰工能攻玉者

○內府中士二人府一人史二人徒十人

註曰內府主良貨賄藏在内者

○外府中士二人府一人史二人徒十人

註曰外府主泉藏在外者 大如字

司會中大夫二人下大夫四人上士八人中士十有六人府四人史八人胥五人徒五十人

註曰會大計也司會主天下之大計計官之長若今尚書 禮庫曰自司會至職歲掌會計財賦

○司書上士二人中士四人府二人史四人徒八人

註曰司書主會計之簿書

欽定四庫全書

周禮述註

十四

○職內上士二人中士四人府四人史四人徒二十人

坡謂職內主賦入之簿書

○職歲上士四人中士八人府四人史八人徒二十人

坡謂職歲主賦出之簿書謂之歲者歲計之也

○職幣上士二人中士四人府二人史四人賈四人胥二人徒二十人

○司裘中士二人下士四人府四人史四人徒四十人

○掌皮下士四人府二人史四人徒四十人

列職于此者皮幣相次也 陳君舉曰古之皮幣乃國家所重天府所用甚廣故禮贊皆以皮幣為主觀當時皮事無所不會惟王不會故知出入之數極多大較與貨賄相敵此所以亦屬宰府皆司會為之長會古外反

內宰下大夫二人上士四人中士八人府四人史八人胥八人徒八十人

註曰內宰官中官之長 陳君舉曰婦人女子常與至尊幽居九重人弗得見驕恣何所不至故使之分職于六宮附屬于大宰而天宮內宰春官世婦又得以參檢其事與夫婦妾賤人自相使令而無畏忌者不同矣漢高愛戚夫人子留侯曰骨肉之間雖臣等百人何益袁盎卻慎夫人坐文帝怒說以人羣乃從使大臣得與內事其如是乎

○內小臣奄上士四人史二人徒八人

註曰奄稱士者異其賢 李氏曰周禮其餘奄皆不

欽定四庫全書

卷一

十六

命也唯內小臣則有奄上士四人而已夫宦官指其居次則或在帷薄之內論其職掌則或聞牀第之言固不可以詆辱俊又渾淆男子其用奄人是乃制事之宜 徐氏曰王左右前後罔非正人使王出入起居罔有不欽後世尚有講明此事者若后之左右前後擇人而任之則千載之嬖事無有明君賢相念及于此何也閹門出治之原闕雖王化之始有內聖外王之學者必不忽于斯

○閹人王宮每門四人圓游亦如之

註曰閹人司昏晨以啓閉者刑人墨者使守門圓御苑也游離宮也

○寺人王之正內五人

寺之言侍奄人也故寺人披自稱刑人正內后之路寢也若王之路寢不稱內

○內豎倍寺人之數

註曰豎未冠者之官名

九嬪

註曰嬪婦也昏義曰古者天子后立六宮三夫人九嬪二十七世婦八十一御妻以聽天下之內治以明章婦順故天下內和而家理也不列夫人于此官者夫人之于后猶三公之于王坐而論婦禮無官職

○世婦

註曰不言數者君子不苟于色有婦德者充之無則闕

○女御

註曰昏義所謂御妻御猶進也侍也

○女祝四人奚八人

○女史八人奚十有六人

劉執中曰女史八人蓋擇嬪御之賢者為之 鄭剛

中曰古者天子有史官左記言右記動故為天子者不敢有過舉后與王同體言動不謹則家道不齊無以舉天下之內治故有女史 嬪皮賓反後同

典婦功中士二人下士四人府二人史四人工四人賈

欽定四庫全書

周禮疏注

十七

四人徒二十人

註曰典主也典婦功者主婦人絲枲功官之長

○典絲下士二人府二人史二人賈四人徒十有二人

○典枲下士二人府二人史二人徒二十人

枲絲里反後同

內司服奄一人女御二人奚八人

註曰內司服主宮中裁縫官之長有女御者以衣服

進或當于王廣其禮使無色過

欽定四庫全書

周禮疏注

十八

○縫人奄二人女御八人女工八十人奚三十人

○染人下士二人府二人史二人徒二十人

○追師下士二人府一人史二人徒四人

註曰追治玉石之名

○屨人下士二人府一人史一人工八人徒四人

疏曰追師專掌婦人首服此兼男子屨舄者下體賤故同在此官也 追丁回反一曰雕舄音昔

夏采下士四人史一人徒四人

註曰夏采夏翟羽色禹貢徐州貢夏翟之羽有虞氏  
以為綏後世或無故染烏羽象而用之謂之夏采  
坡謂自治官之屬至此辨其內外之職名次其爵秩  
之貴賤列其正師司旅之多寡等其府史胥徒之繁  
簡則設官之事也後倣此 夏戶雅反綏如誰反

欽定四庫全書

周禮述註卷二

安溪李光坡撰

太宰之職掌建邦之六典以佐王治邦國

建邦猶湯誥稱造邦也後倣此典常也經也灋也國天

子諸侯所理也邦疆國之境

一曰治典以經邦國以治官府以紀萬民

坡謂經者理使畫一也治者分職稽功也紀者詳理

欽定四庫全書

周禮述註

卷二

而不遺也

二曰教典以安邦國以教官府以擾萬民

坡謂安者治生明倫則邦本固是安之也教者教以

善民之道也擾者順其性之固有而又敷之以寬也

三曰禮典以和邦國以統百官以諧萬民

坡謂和者禮行則上下和親而不陵犯也統者禮辨

儀等所以繫合之也諧者防以中和使民無乖戾也

四曰政典以平邦國以正百官以均萬民

坡謂物各當其分之謂平如九灋九伐所云也正者治朝位詔爵祿之等均者均役使均賦斂使無多寡之偏也

五曰刑典以詰邦國以刑百官以糾萬民

註曰詰猶禁也

六曰事典以富邦國以任百官以生萬民

坡謂任任之以事也生猶養也六者天子所以治畿

內及侯國而諸侯亦得用之以治其封內者故邦國

欽定四庫全書

周禮述註

卷二

之治可以典待之也上二典言官府下四典言百官

冢宰之治司徒之教于官府無所不行也禮政刑事

百官有其職則承之夫治典立則君德修紀綱定教

化可施矣故以教典次之教之而有淺深厚薄之不

齊者當有禮以一之故禮典又次為禮之所不能範

者大則威之以兵小則糾之以刑政政刑又次為禮

樂政刑四達不悖則君可安富民得永賴故事典終

焉疏曰自此以下至職末分為二段從此職首至

以富得民一段十條明經國之大綱治政之條目自正月之吉以下至職未明頒宣前灋依事而施

### 以八灋治官府

坡謂六典非官不舉故繼之以治官府也百官所居

曰府

### 一曰官屬以舉邦治

註曰官屬謂六官其屬各六十

### 二曰官職以辨邦治

官職謂六官之職也官有職則事各有司存故曰辨

### 三曰官聯以會官治

註曰聯謂聯事通職相佐助也

### 四曰官常以聽官治

官常自領其官之常職不聯也

### 五曰官成以經邦治

註曰鄭司農曰官成謂官府之成事品式也小宰曰

以八成經邦治

### 六曰官灋以正邦治

官灋謂職所主之灋度官職主祭祀朝覲會同賓客者則皆自有其灋度正者使得其序也

### 七曰官刑以糾邦治

刑謂五刑也

### 八曰官計以弊邦治

註曰弊斷也官計謂小宰之六計所以斷羣吏之治

坡謂八灋皆云邦治官聯官常言官者官聯則取

會合衆官乃始得治官常則取官有常職各自治其

官也首之以官屬官職者設官而分職也次之以官

聯官常則官職可得而修矣官成官灋聯者聯此也

常者常此也官刑以糾其怠玩官計以稽其功臯故

其序如此 灋古法字舉古罪字俱後同

### 以八則治都鄙

由朝廷而至畿內故次以治都鄙焉則亦灋也典灋

則所用異異其名耳有宗廟國邑曰都以在國郊曰

鄒都鄒公卿大夫之采地王子弟所食邑周召毛聃  
畢原之屬在畿內者

一曰祭祀以馭其神

馭約使受制也祭祀其先君社稷五祀馭其神使之  
無僭祀無淫祀也 禮庫曰鬼神本無聲與形然亦  
可馭只祭所當祭合於理使馭得如後世淫祀徼福  
先自失矣如何馭得鬼神便見出來與妖起怪此理  
甚明

欽定四庫全書

周禮疏註  
卷二

五

二曰灋則以馭其官

灋則謂官室車旗衣服之等皆不得僭也官伍兩殷  
輔也

三曰廢置以馭其吏

廢猶退也退其不能者舉賢而置之吏即官也

四曰祿位以馭其士

註曰祿若今月俸也位爵次也鄭司農云士謂學士

五曰賦貢以馭其用

賦什一之稅也貢九職之功所貢也馭用入供其出  
奢不犯上儉不廢禮也

六曰禮俗以馭其民

註曰禮俗昏姻喪紀舊所行也

七曰刑賞以馭其威

刑賞皆言威者威畏服之心志也

八曰田役以馭其衆

田以簡衆役以任衆也 坡謂八者之序其上四者

欽定四庫全書

周禮疏註  
卷二

六

自神而人自尊而卑治責之事也其下四者富而教  
之教而用之治賤之事也

以八柄詔王馭羣臣

六典八灋八則以治邦國官府都鄙有政治則有功  
過有功過則有賞罰矣柄所執以起事也詔告也助  
也此與下八統獨言詔王者餘皆羣臣職務常所依  
行歲終致事乃攷知得失此乃王所操持王不獨執  
羣臣佐之而已